

Powšitkowne WOZJEWJENJA

njedźelu, 1. meje 2022

Wusyłanje Božej mše

Serbskorěčnu Božu mšu móža wěriwi tutu njedźelu, 1. meje, w 9 hodź. z Chrósćic jako livestream scěhować. Link na nju je w interneće pod www.posol.de a na wosadnej stro-
nje podaty.

Požohnowanje motorskich

Popołdno z požohnowanjom motorskich zahaji so tutu njedźelu, 1. meje, w 14 hodź. z nyšporom w Ralbičanskej cyrkwi. Přizamknje so zhromadny wulět.

Wohnjowi wobornicy do Różanta

Džakna Boža mša wohnjowych wobornikow ze Zarjadniskeho zwjazka „Při Klósterskej wodže“ k česći swjateho Floriana budže pjatk, 6. meje, w 19 hodź. w hnadownej cyrkwi w Róžeńće. Wšitcy wobornicy kaž tež hosćo su k tomu přeprašeni.

Putnikowanje wujednanja w Hejnicach

Wěriwi z Němskeje, Pólskeje a Českeje su sobotu, 7. meje, wutrobnje na putnikowanje wujednanja do Hejnic přeprašeni, wuraznje tež Serbja. Boža mša w hnadownej cyrkwi budže w 10.30 hodź. Swječić budže ju po nowšich planach farar Michael Dittrich z Hirschfeldy.

Putnikowanje staršich a chorych ludźi do Różanta

Putnikowanje staršich a chorych ludźi ze serbskich wosadow do Różanta budže sobotu, 7. meje. Wot 13.30 hodź. budže přiležnosć k swjatej spowědźi, zdobom modli so swjaty różowc. Přizamknje so w 14 hodź. Boža mša, kotruž změje tachantski farar Wito Scapan. Na njej wudželi so tym, kotřiž sej to přeja, žalbowanje chorych.

Mejski nyšpor TCM

Towarstwo Cyrila a Metoda z.t. (TCM) přeprašuje na mejski nyšpor, kotryž budže njedźelu, 8. meje, w 17 hodź. w Róžeńčanskej swjatnicy. Na nim chcedža mać Božu wo zastupnistwo prosyć, zo by Bóh swětej, wosebje Ukrainje, měř a pokoj darił. Nyšpor wuhotuje Muski chór Delany. Wšitcy su wutrobnje witani.

Hłowna a wólbna zhromadźizna TCM

Předsydstwo Towarstwa Cyrila a Metoda z.t. (TCM) přeprašuje wšitkich člonow towarstwa, člonow sekcijow a korporacijow kaž tež zajimowanych hosći na swoju hłownu a zdobom wólbnu zhromadźiznu pjatk, 13. meje, do Chrósćic. Započatk je w 19.00 hodź. z Božej mšu w cyrkwi. Přizamknje so zhromadźizna na farje.

Dźiwadłowy kruch k temje staroba a demenca

We wobłuku „Tydženja za žiwjenje“ předstaji Drježdźanski dźiwadźelnik Tom Quaas pónđzelu, 2. meje, w Smochčanskim kubłanišću swjateho Bena kruch „Ty sy moja mać“ awtora Joopa Admiraala. W srjedźišću stejitej tema staroba a demenca. Započatk je w 19.30 hodž. w bróžnjowej cyrkwi swjateho Bena. Zastup je darmotny, wo dary so prosy.

Přednošk k spiritualiće oblatow

W rjedže cyklusa čitanjow k spiritualiće rjadniskich zhromadženstwow Filozofisko-teologiskeje wysokeje šule w Münsteru přednošuje pónđzelu, 9. meje, w 19.30 hodž. w Serbach znaty oblatski pater dr. Thomas Klosterkamp, mjeztym wuwučowacy a bydlacy w Texasu. Přednošk wusyła so přez youtubowy kanal Münsterskeje wysokeje šule. Link je pod www.posol.de podaty.

Knižna premjera z Trudlu Malinkowej

Awtorka Trudla Malinkowa předstaji swoju w Budyskim Ludowym nakładnistwje Domo-wina wušlu knihu „Sorbische Denkmale. Handbuch sorbischer Gedenk- und Erin-nerungsstätten“ srjedu, 4. meje, w Budyskej Měšćanskej bibliotece. Započatk je w 19 hodž., zastup je darmotny. Přizjewjenja pak su trěbne. Zajimcy měli sej swoje měst-no pod telefonowym čisłom (0 35 91) 53 48 27 rezerwować.